



UNIVERSITÄTS-
BIBLIOTHEK
PADERBORN

Augusti Buchneri Orationes Panegyricæ

Buchner, August

Cliviæ, [1668]

IX. In fun. Mauritii Blumii, Medicinæ Doctoris & designati Prof. P.

[urn:nbn:de:hbz:466:1-69483](#)

in deducendo & comitando hōc Viri Clarissimi funere tam sedulam atqve prolixam operam posuistis. Pro qvo summo in se collato beneficio (siqvidem, ut sapientes existimant, solennitates exeqviarum, viventium magis solatio, qvām ut subsidio mortuis snt, inventæ sunt,) afflictissima, & tot consecta vulneribus mater, nec non fratrī infelicissimi, qvos in hac ipsā coronā, squalentes lacrimis, & vultu ipso ingentem dolorem animi testantes, primo loco adstare cernitis, singulares agunt & habent gratias. Vobisqve universis ac singulis officiis sua ac studia prolixē deferunt & pollicentur.

ORATIO IX.

IN FUNERE

MAURITII PLUMII,
MEDICINÆ DOCTORIS ET DESIGNATI PROF. PÙBLICI.

RECTOR MAGNIFICE,

Reverendi admodum, Nobilissimi, Amplissimi, Excellētissimi, Clarissimi & Prudentissimi Viri, nec non Juvenes
& literis & moribus ornatisimi &c.

PRæclarè prorsus atqve exdignitate vestri cujusqve ordinis factum est, qvòd in exornando & honestando funere, qvod Viro Clarissimo & Præstantissimo, MAURITIO BLUMIO, Medicinæ D. & designato Prof. publico, modo duximus, nulli nec operæ nec studio parcere voluistis. Comitati fuistis ejus exangue corpus longo ordine, qvum paucis ante horis id ex his ipsis ædibus efferretur: interfuisit concioni funebri, & divina non tantum oracula, qvæ ibi audire licuit, sum-

summâ reverentia excepistis; sed & verissimis defuncti laudibus benivolè applausistis. Deinde qvum dormitorio suo commendaretur, qvidqvid de BLUMIO nostro mors præter nomen reliquum fecerat, vistro minimè defuistis officio; sive supremum Salve ac Vale dicendum funeri, sive futuris ossibus ac cineri lenis atque secura qvies tacitis animorum votis adprecanda esset. Quid de illo commemorem, qvòd lugentes consanguineos mortui & necessarios sublevando eorum immenso dolori, hunc ipsum in locum deducere iterum promtissimâ humanitate voluistis? Magna ista vestra officia sunt. Exequiatores; & plurimas mihi luculentas significaciones, tum singularis pietatis, tum acerbissimi doloris, qvem vobis viri egregii mors objecit, edere videntur. Et si enim BLUMIUS noster eam perfectiōnem animi, eos honores ac dignitates virtute atque fortunâ erat consecutus, ut, qvamvis viridi ac florente ætate crepus nobis sit, abunde tamen vixisse ad gloriam existimari possit; nunquam non tamen nobis acerba ac immatura eorum mors solet accidere, qvorum vigiliæ ac studia nescio qvid eximii atque præclari in publicâ commoda promittebant. Nam qvi inertiâ vitam, velut pecora, transeunt, qvotidie perdunt vivendi causas; at verò qvi posteritatem cogitant, qvi sui memoriam virtutis operibus meditantur extendere, illis nulla mors non repentina est, ut qvæ semper inchoatum aliquid rumpat. Sed quando ille rerum omnium moderator & arbiter Deus ita nos mortalitatis obligavit legibus, ut simul ostéderet spem melioris longè ac verè divinæ vitæ, in qvam transituri essent omnes, qvi sanctissima ejus præcepta & instituta fidelī mente custodiissent; gratulandum potius nostro videtur BLUMIO, qvòd extur.

tum bulento & quieto hoc rerum humanarum, ut sic dicam, fallo, in beatum illum ac placidum aeternum ac incorruptae quietis atque tranquillitatis portum electus est; quam ut obitum ejus in quiete animo ferre velimus. Neque enim audiendi sunt, qui immaturos nobis comminiscuntur obitus, qui ante tempus mori miserum clamitant. Quasi vero vita usura nobis non nisi in longum diem data sit? quasi ad rem pertineat, non quam bene sed quam diu aliquis vixerit? Non annis metienda vita, sed aetibus est. Nam velut in parvo habitu corporis esse perfectus homo potest; sic in minore temporis modo vita perfecta. Quid illum sexaginta, quid plures anni juvant per imperitiam socratismus exacti? non diu vixit, diu fuit: immo si recte calculum ponimus diu mortnus est. Nam ecquid aliud est illud vivere, quam mori? Decedat igitur quispiam viridis, & antequam effera senectus eum fato tradat; si boni civis, si boni amici, si boni filii executus est munia, si in nullâ vita parte cestavit, suo tempore mortuus est. Nam ut imperfecta etas fuerit; attamen vita numeris suis absoluta fuit. Interim tamen non tribuenda tantum venia illis lacrimis, quae viros praestantes, & quibuscum amanter atque conjuncte viximus, deplorant; sed & summo perinde laudanda ac deprecanda illorum est pietas, qui funera eorum, quaeunque ratione fas est, cohonestare instituerunt. Qvod quum a vobis abunde prestitum sit, quis inveniri potest, qui non singulares atque ingentes vobis deberi gratias censeat? Ad quas agendas solvendasque eodem quidem magis honestissima BLUMIORUM familia se obligatam intelligit, quod majorem ex isto vestro officio solatii vim in hoc amarissimo suo luctu percepit. Quapropter ita persyadeatis vobis,

Exe-

Exequiatores; me qvidem spondere atque interprete, nullo non tempore ipsos in id laboraturos sedulò, ut se tamen gratos probare possint, quam vos in ipsos officiosi in presentiarum esse voluistis. Neque enim ulli operae, studio aut labori unquam parcent, quibus se aut militare vestris commodis, aut honori atque existimacioni consulere posse intelligent.

ORATIO X.

IN FUNERE

D. DANIELIS SENNERTI,
MEDICINE PROF. PUBL.

Quantanunc Academiam iterum afflixerit clades, quantumque nos omnes oppresserit dolor, ac mirum in modum confuderit, exento mortalium coetibus DANIELE SENNERTO, sentire facilius, quam dicere est. Nullum ingenii flumen, nullus verborum apparatus atque dicendi copia et quare calamitatis istius magnitudinem satis potest, in quam unius viri amissione incidimus. Tot excellentes ejus virtutes, tot in hanc Academiam non modo, sed universam literarum publicam rem, Medicamque cumprimis, extiterunt merita; tanta exinusitatâ eruditione, quam indefesso labore ac studio paraverat sibi, & tot illustribus monumentis testamat fecerat, tum nostra Germania, tum ipsis exteris etiam Viri incessit admiratio, ut nulla ullius oratio tot recentendis rebus videatur sufficere, idque SENNERTO pro maximâ laude sit, quod, dignè qui laudet, inveneri haud queat. De Cæsare dictum legimus, aut nunquam nasci debuisse tamen excellenti naturâ

vi-